

# G óa óh Tâi-gí ê Kha-jiah

Lâu Iông-eng

Góá chū sè-hàn chiū it-tit lóng tòa tī chng-kha só-chāi. Só thia<sup>n</sup>-- tiōh..ê lóng mā sī chit ê góá iáu m̄-chai sī kiò chò siá<sup>n</sup>-mih gí-giân ê oē(āu--lái chiah chai-iá<sup>n</sup> che kiò chòe “Tâi-gí”). In-ūi chiām-chiām-á siū tiōh khôan-kéng ê éng-hióng, oē-hiáu kóng Tâi-gí, che tui góá lâi kóng, sit-chè siōng iáu m̄-sī jōa khùn-lân ê tâi-chì, pún-chiâ<sup>n</sup> chiū sī chin chū-jiân ê hêng-sêng. Sór-i góá chêng-kàu-ta<sup>n</sup> tiōh m̄-bat siū<sup>n</sup> beh lâi kā i koan-sim kap thià<sup>n</sup>-sioh, mā kám-kak Tâi-gí sī chhìn-chhái kóng-kóng tiōh ê-sái--tit . M̄-kú tán góá ū ki-hoe tú tiōh Tâi-gí-sian ê khan-kà, khai-sí chiap-chhiok tiōh chit-kóá-á iú-koan Tâi-gí ê bûn-chiu<sup>n</sup> kap chheh liáu-āu, sui-bóng iáu m̄-sī chin chai-bat tiōh Tâi-gí ê “súi” tī tó-ūi, put-jî-kò iā sió-khóa-á pang-chân góá phah-khui tui Tâi-gí chhò-ngõ ê kiàn-kái. Chit sī, góá chiah chai-iá<sup>n</sup>, gôan-lâi Tâi-gí pēng m̄-sī lán chá-chêng ìn-siōng lâi-té hit ê kē-lō, chho-siök, kiam bô chuí-chún ê gí-giân. Hóan-tò-péng lâi kóng, i kèng-jiân sī chit ê ū “im-gák-sèng”, “kór-ló-sèng”, “tián-ngá-sèng”, “su-sióng-sèng” kap ū “chhù-bī-sèng” téng-téng tek-sek ê gí-giân.

Kì-jiân tiōh í-keng oē-hiáu kóng Tâi-gí--ah, siá<sup>n</sup>-sū koh beh lâi óh Tâi-gí--leh? Che sī tōa-to-sò ê lâng lóng oē mñg khí ê bûn-tê, mā ē kám-kak giâu-gî kap kî-kòai. Sī án-chhóa<sup>n</sup> Tâi-gí iáu tiōh ài óh--leh? Góá chêng kàu ta<sup>n</sup> mā-sī án-ni teh siū<sup>n</sup>. It-tit kàu ū chit-jít, góá ê tông-sū thêh tiōh chit-tiu<sup>n</sup> tiān-chú phoe-sin(e-mail) hō góá khòa<sup>n</sup>, hit tong-sī, góá sī khòa<sup>n</sup> kàu tōa liáp kōa<sup>n</sup> chiap sè liáp kōa<sup>n</sup>, sim-lâi teh siū<sup>n</sup>, bêng-bêng tiōh sī Eng-gí ê jī-bó, sī án-chhóa<sup>n</sup> góá lóng khòa<sup>n</sup> bô i teh siá siá<sup>n</sup>-mih--leh? Kám kóng góá ê Eng-gí thêng-tō í-keng bái kàu án-ni? Tng teh kia<sup>n</sup>-hiâ<sup>n</sup> tiōh-kip ê sî-chûn, hó-ka-chài góá ê tông-sū chek-sî kā góá kái-soeh, góá chiah chai-iá<sup>n</sup>, gôan-lâi chit khôan ê jī tiōh-sī kiò-chò Lô-má-jī. In-ūi góá bô siū<sup>n</sup> beh chò chit ê Tâi-gí ê chhi<sup>n</sup>-mî-gû, góá chiū chiap-siū góá chit-ūi Tâi-gí lâu-su ê kiàn-gī, hō i chhōa góá chìn-jip Tâi-gí Lô-má-jī ê sè-kài. I tui Lô-má-jī chû-iàu ê sa<sup>n</sup> chióng gôan-sò “sia<sup>n</sup>-bó”, “ūn-bó” kap “sia<sup>n</sup>-tiāu” ùi thâu khai-sí kà góá thák. Tī hak-sip ê kòe-thêng tiong, góá sī chin iōng-sim teh liän-sip, mā koat-sim beh kā LMJ óh hō tiâu-pak, ū chit-châm-á, ták-jit tiōh tī chhù--nih teh hō peh-sia<sup>n</sup>, hō kàu góá ê ang-sài lún bē tiâu teh kā góá khòng-gī. Kóng chin..ê, hō góá kám-kak siōng kài kan-lân..ê, chiū sī sia<sup>n</sup>-tiāu, in-ūi Tâi-gí ū peh-sia<sup>n</sup> chhit-tiāu, sór-i kóng Tâi-gí ná chhin-chhiū<sup>n</sup> teh chhiù<sup>n</sup>-koa, che m̄-sī bô kin-kù..ê. Koh ka-siōng ài piän-tiāu, piän-tiāu koh ū “it-poa<sup>n</sup> piän-tiāu”, “á-chêng piän-tiāu”, “sûi-chiân piän-tiāu”, “liän-im piän-tiāu”, “khin-sia<sup>n</sup> piän-tiāu” kap “gôa-lâi-gí piän-tiāu” téng-téng, kā góá sī bù kàu bû-sà-sà! Jî-chhiá<sup>n</sup> Tâi-gí iáu koh pô-liû liáu chiok pô-kùi ê bûn-hòa chu-sán “jip-sia<sup>n</sup>-jī”, kiat-kó tiōh sī ài kā hit ê “m, n, ng” piän chò “p, t, k”, tē 4 sia<sup>n</sup> kap tē 8 sia<sup>n</sup> sit-chai chin oh hun chheng-chhó. Sui-jiân ū tām-pôh-á hoe-lí-lô, m̄-kú oē-tàng ìn-chèng..ê, tiōh sī Tâi-gí chin-chià<sup>n</sup> sī chit-ê ū kàu to-gôan kap hong-hù ê gí-giân.

Góá chū hō lâu-su chhōa góá jip-mñg liáu-āu, chiū ka-kī chiok jîn-chin phah-pià<sup>n</sup> teh hók-sip kap chū-siu, sui-jiân sī chìn-pô chiâ<sup>n</sup> chē, mā ke-kiám ê-hiáu lî-iōng LMJ lâi pheng-chhut góá khòa<sup>n</sup> m̄-bat ê hàn-jī. M̄-kú tī thák-siá hong-bîn, iáu sī koh chin han-bân, tiā<sup>n</sup>-tiā<sup>n</sup> tiōh lóng ài chin chiâh-lât, chiah ū-hoat-tō pheng-thák khòa<sup>n</sup>-bat bûn-chiu<sup>n</sup> ê

i-sù. Nā sī kóng beh iōng Tāi-gí ê khùi-kháu lâi piáu-tát, su-khó, siá-chok, he iáu sī koh khah iâu-óan ê lō-tô. In-ūi chit ê in-sò, phó-phór-á chó-gái tiòh châa-chòe góa kè-siòk liâu--lôh--khì ê tōng-lék. Góa it-tēng tiòh ài lâi châu-chhōe hit-tiâu hák-síp ê sòa<sup>n</sup>-lō, chiū sī chit ê khah ū hē-thóng ê kâu-hák khò-thêng. Tng teh m̄-chai beh ùi tó-ūi lâi chhōe-khí ê sî-chûn, tú-hó tī Tāi-ôan Hiong-thó Cháp-chì khòa<sup>n</sup> tiòh Tāi-lâm-sîn-hák-ī<sup>n</sup> Siā-hoe Gián-kiù-só Bûn-hòa-kâu-sek teh chio-seng, góa chiū thiàu-kòe chho-kip-pan, tit-chiap pò-miâ chham-ka Tiong-kip-su-hôan-cho ê gián-sip. Tī Tī<sup>n</sup>-bók-su kap gî-kang lâu-su jiát-sim ê chí-tō ē, tûi LMJ chèng-khak ê siá-hoat kap iōng-jī ū khah chai-bat, iû-kî sī chù-tiōng “cheng-bit” chit ê koan-liâm, chit-má bô-lûn iōng tī siá<sup>n</sup>-mih só-châi, lóng ē siū chit ê khé-sī lâi chô-iū, chò tàk-hâng tâi-chì mā ē khah chim-chiok sè-jī.

Kî-sít góa siú<sup>n</sup> beh tâh-chhut ka-kî ê Tâi-gí thian-tê, chû-iàu ê bôk-tek, chiū sī siú<sup>n</sup> beh kau pêng-iú, khòa<sup>n</sup> ê-tàng chhōe tiòh chit-kóá-á iú-chì lâi hō-siōng lâu-khùi kiû chìn-pôr--bô. In-ūi che sī bôe tit thang àn-sng kiông-kiù..ê, sói góa mā m̄-kâ<sup>n</sup> siàu-siú<sup>n</sup> siu<sup>n</sup>-chê. Bô-siú<sup>n</sup>-kâu, tī Bûn-hòa-kâu-sek Tiong-kip-pan thák beh chit-pòa<sup>n</sup> ê sî-chûn, siú tiòh Tī<sup>n</sup> Si-chong I-su ê iau-chhiá<sup>n</sup>, chio góa chham-ka Ko-hiông Lô-má-jī Gián-sip-höe ê thòk-su-höe, thia<sup>n</sup> tiòh chit ê siau-sit ê sî, góa ná chhin-chhiú<sup>n</sup> chhōe tiòh châ-chêng siú<sup>n</sup> beh chhōe..ê hit tiâu sòa<sup>n</sup>, sim-lâi ê hoa<sup>n</sup>-hí bián kóng mā chai. Thâu chit pái beh chham-ka, sui-bóng góa sī phô tiòh hèng-phut-phut ê sim-chêng, m̄-kú góa sim-lâi mā teh tám-tám, hôan-ló, kia<sup>n</sup> tòe lâng bē tiòh, kâu sî sī beh án-chóá<sup>n</sup> sī hó--leh? Bô-gî-gôr thák-chheh-höe hiah ê hia<sup>n</sup>-ché, lóng chin ū hong-tôr, ê-tàng liông-kái góa chit ê chhe<sup>n</sup>-gû-á, chin ū nâi-sim teh chí-tiám, hōr góa khah bē kín-tiu<sup>n</sup>, īa khah bē thák kâu lî-lî-lak-lak. Kâu-ta<sup>n</sup> góa iáu sī chin kám-siâ thòk-su-höe ê hó pêng-iú, iû-kî sī Tiu<sup>n</sup>-höe-tiú<sup>n</sup> Hòk-chû I-su, i put-chí chhut tiû<sup>n</sup>-só hōr tâi-ke ê-tàng chip-höe, chò-hóe tau-tîn lâi thák Tâi-ôan-jī, Tâi-ôan lêk-sú kap gí-giân-hák. I iáu chin jiát-sim teh chhôa thâu, kâ i cháp kúi nî lâi pi<sup>n</sup> Tâi-gí ê sim-tek kám-sióng, bô su-sim kâu ná chhin-chhiú<sup>n</sup> “Cháp-jī góeh sái-thâng”, lóng chîn pià<sup>n</sup> hōr góan. Khòa<sup>n</sup> i ûi tiòh beh thui-sak bô-gí chit ê sim-chì kap cheng-sîn, sit-châi hōr lâng kám-tōng. Chit-má góan m̄-nâ thák-chheh nâ-tiâ<sup>n</sup>, iáu-koh kó-lê tâi-ke ài siá chhut ka-kî ê sim-sia<sup>n</sup>, iōng chiâ<sup>n</sup>-chong góan-chiap ū Tâi-ôan-bî ê khùi-kháu lâi siá, sói t ī 2000 nî 5 góeh 20, chhòng-khan chhut-pán chit-ê khan-bút hō-chò “Tâiôanjī”, chû-iàu chiū-sī beh kâ sè-kài soan-pò: Tâi-ôan-lâng bô phah-sng beh hòng-khì in ê bô-gí kap bûn-jî, mā beh hōr tâi-ke ê-tàng hoat-piáu chok-phín. In-ūi tâi-ke lóng chin phah-piâ<sup>n</sup> teh siá, “chhùi kóng pê-bú ōe, chhiú siá Tâi-ôan-bûn”, “chhùi-chih kap pit-chiam hâp-it” chit ê nñg-bâng í-keng teh beh kâu--lah!

Chû góa ū ki-iân kiâ<sup>n</sup>-jíp chit ê Tâi-gí hoe-hñg, góa chiū khoa<sup>n</sup>-khoa<sup>n</sup>-á teh him-sióng, un-un-á teh khip-siu, góa kám-kak sim-lêng ke chiâ<sup>n</sup> chhiong-sit, sî-iá ke chiok khui-khoah. Bô-lûn sī Lô-má-jī iâh sī Hán-lô, in-ūi góa í-keng bat..in, ê-hiáu ūn-iōng lâi thák siá Tâi-bûn, sói ū kám-kak ná chhin-chhiú<sup>n</sup> ke chit ê thang-á-kháu, ke chit liáp thâu-náu kâng-khóan, tī lâi-té iû-séh, chin chiâ<sup>n</sup> sī thong-thâu lôk-thiòng. Iâ in-ūi ū hèng-chhù teh tâu-jíp, góa tit tiòh chit-ê kám-sióng, chiū sī gí-giân sótòa hōr lán..ê, m̄-nâ sī chit ê “kau-thong ê kang-kû” nâ-tiâ<sup>n</sup>, i mā-sî chit-chióng “su-khó ê hong-sek”, “kám-chêng ê kau-liû”, “chòk-kûn ê phiau-kî”, “bûn-hòa ê iân-siòk”, “chun-giâm ê i-hō”, kap “chòk-kûn ê hû-hō”. Lán it-têng tiòh ài lâi pô-sioh ka-kî ê bô-gí, hōr-siōng chun-tiōng kap pau-iông. Múi chit ê chòk-kûn, in ê gí-giân lóng ū chûn-châi ê i-gî kap kè-tát, it-tân nâ hō lâng

siau-biát--khì, he tō ē pì<sup>n</sup>-chiâ<sup>n</sup> “sit-sia<sup>n</sup>” ê chòk-kûn. Úi tiòh beh iân-siôk se<sup>n</sup>-thòa<sup>n</sup>, ài ū siong-tong ê kak-chhé<sup>n</sup>, m̄-thang chhin-chhiū<sup>n</sup> Tân-ôan Pê<sup>n</sup>-po-chòk án-ni, chit-má pi-chhám kàu hām chit-kù in ê gí-giân lóng bô lâng teh kóng, tong-jiân in ê chun-giâm chiū ôan-chôan ē phah bô--khì. Só-í lán èng-kai ài phah-khui sim-lāi ê mñg-thang, èng bó-gí ê hak-síp lâi kiàn-lip chòk-kûn ê chū-sìn-sim.

Hôe-sióng ôh Tân-gí chit tiâu lō, sit-châi sī ū chit-sut-á hō lâng kòai-kî siū<sup>n</sup> lóng bô, put-jî-kò chit-pō chit kha-jiah kiâ<sup>n</sup>--lâi, góa chhim-chhim thé-höe tiòh Tân-gí chin-chià<sup>n</sup> sī chit-ê súi koh ū ték-sek ê gí-giân, i sī sim-sek..ê, kó-tián..ê, ko-ngá..ê, ū chhim-tō..ê, ū lōe-hâm..ê, chiū in-ūi i hiah-nih chhe<sup>n</sup>-chhau phong-phài, hō góa jú ôh jú ū hèng-chhù, siū<sup>n</sup> bē kàu sòa hō góa chhöe tiòh seng-ôah ê kià-thok kap bôk-phiau. Chit-má góa m̄-nā ài kā Tân-ôan-jī siá hō koh khah hó-sè, mā tiòh ài kā chit-kóá-á Tân-gí ê chò-liâu (pí-jû chór-sian ê tì-hüi “Tân-ôan siôk-gí”, bûn-hák ê pûi-té “Tân-ôan po-ko”, bô-gí ê ni-phang “gín-á-ko”, sim-sek ê Tân-ôan-oe “kek-kút-á-oe”, Tân-ôan kiat-siông-oe “sì-kù-liân-á”, thór-tē ê sia<sup>n</sup>-sàu “Tân-ôan koa-á-chheh” kap “Tân-ôan koa-iâu” koh chài chè-chô, poah sî-kan, hê kang-hu, kā thun hō lôh pak. Sòa-bóe, góa iáu sī beh tî chia kā chít-lō bat siong-pôe, khan-kà, pang-chân kòe góa ê su-iú sòe-siā, nā bô ū lín teh ín-niá, góa sī bô-hoat-tō ē kā Tân-gí ôh chhiū<sup>n</sup> chit-má chiah-nih sòa-phah..ê. To-siā, góa sì<sup>n</sup>-miā tiong ê kùi-jîn.